



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Communio corporis Christi & sanguinis quando inceptit. tit. 92

urn:nbn:de:hbz:466:1-29452

*Christi & sanguinis quando incepit,***TITVLVS XCII.**

PRIMO, sacre literæ testantur Christum solùm bis communicationem fecisse corporis & sanguinis sui, semel in coena ante mortem, sub duplici specie, Apostolis solùm, sicut testantur Euangelistæ, Mat. 26. Luc. 22. & Marci 14. & 1. Corinth. 11. Secundo, communicauit & dedit Sacramentum in die Paschæ in **EMAVS**, Lucæ 24. post resurrectionem sub vna specie, sicut testatur Augustin, libr. 3. de consensu Euangelistarum, Chrysostomus homil. 17. Theophylactus &cæ. Aliàs communicasse Christum non legitur, neque aliquid dixisse aut præcepisse, vt laici communicarent, id est, debeant cibari, quomodo & qualiter &c.

Secundò, nullus Apostolorum legitur communicasse aliquem, donec post missionem & acceptionem Spiritus sancti in die Pentecostes Actor. 2. edocui Spiritus sancto, ex quo omnis populus veteris legis etiam manducabat de agno paschali, nedùm sacerdotes. Exod. 12. vt quoque & ipsi & populus manducaret & biberet corpus & sanguinem Christi in memoriam redemptionis & liberationis, sicut & Iudæi manducabant: hinc post missionem Spiritus sancti incepit cibatio illa. Actor. 2. Erant perseverantes in doctrina, orationibus, fractione panis: ibi nulla fit mentio de Calice, & Ioan. Euangelista in toto suo Euangelio non facit memoriam Calicis quia fides bibit sanguinem Christi sine calice, &c. & sic modus communicandi vulgum, non est præceptus à Christo, sed reuelatus à Spiritu sancto.

Sic Paulus 1. Cor. 11. inquit: Ego accepi à Domino, id est,

id est, Spiritus sancto: non dicit, Ego accepi à Christo sed à Domino Spiritus sancto accepi, quomodo Christus communicasset suos discipulos in memoriam passionis suæ. & vult vt & nunc Christiani propter eandem memoriam communicarent antea tamen probati & confessi. & eo tempore fuit liberum communicare sub vna vel duabus speciebus. Et hæc libertas durauit, donec errores sunt exorti: aliqui enim diuidebant Sacramentum, & in pane solum carnem sine sanguine, in vino sanguinem sine carne esse putabant. Aliqui volebant, quòd plus de gratia & salute esset in vna specie, quàm in alia, plus in hostia, quàm in calice. Aliqui vrgebant sub necessitate salutis vtranque speciem necessariam &cæt. propter has & multas alias rationes conclusit Ecclesia vnã speciem ad vnitatem conseruandã, sicut & Apostoli baptizabant ad tempus in nomine Christi, Actor. 2. propter vnitatem.

Tertiò, summa manducatio seu communicatio Sacramenti, cuius ipsius CHRISTI etiam maximè interest, est illa quæ fit Spiritualiter in fide, vt credam corpus Christi pro me traditum, & sanguinem eius pro me fufum, & de illa dicit Christus Ioannis sexto. Nisi manducaueritis carnem filij hominis, & biberitis eius sanguinem, non habebitis vitam in vobis. De altera autem corporali communionem non legitur, qui ne non sic manducat, est damnatus: vel, qui non sub duabus speciebus vel vna manducat, &cæt. Ideò sola hæretica libido rixandi est, quam Sathanas erigit ad lacerandam Catholicam vnitatem.

SACRAMENTVM EXTRA

vsu, an sit consecratum, Sacramentum.

TITVLVS XCIII.

R r

Primò,